



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七三二

望眉草堂全集十七卷（詩集十二卷文集四卷年譜一卷） 顏嗣徽撰

一

博約堂文鈔十一卷帶星草堂詩鈔一卷 楊琪光撰

二六九

潘方伯公遺稿六卷 潘駿文撰

四五七

退密齋遺稿叢殘二卷附詩餘 余嘉珏撰

六二九

藏春園初集二卷 潘永芳撰

六六三

謫麀堂遺集四卷（文二卷詩二卷） 戴望撰

七六五

望眉草堂全集

趙以炯題



光緒癸巳中春
古項顏氏重刊

序

義宣子著凡若干篇此義宣之寄之爾矣顧以是絮之譬如拾鴻鵠一羽而曰此善飛執馬之一毛而曰此善走意非不是也然要未可謂盡之矣辛酉壬戌間余始識義宣子義宣子外若不勝衣然者尤弗喜自表暴然英斷沈謀時亦可以窺之義宣子之言曰士生當世宜因時爲變通而執之剝之折之泄之椎其輒而驕然解之使功名之會如李贊皇張江陵胡益陽一流人物舉風雲挾日月而摩霄漢其學厭爲幅巾方袍亦不欲壁聯其章丹繪其句使人謂文士無所用於天下其於詩

序

文蔚堂

不多著著時棄去茲所存者乃余舊爲商留而謂其有可存者在焉方咸豐初吾鄉草竊甚熾陷其大小數十城義宣子感慨論討賊事謂當夾攻購勦度當事者不我用已不果上迨其後楚蜀黔三省出師力撤駭防遂以是成功智者見事未然其義宣子之謂耶義宣子詩初與楊子劍潭遊情逸而旨近事澤而音圓乃其所長後復肆力於眉山遂清雄獨往自見真際殆諸天帝釋雨花徧滿世界此花不由天人如來摩尼寶珠各見五色其實祇是此珠至筆墨以外春氣盎然他日名業之遠余以是爲著龜焉然則卽以詩論義宣子抑亦有

不可測者余嘗謂古來瓌璋傑出之才其發爲文章無不正大光明與生平志事相稱今夫大虛噫氣雷轟焉谷應焉林木畏焉江河嘯喻焉下至蛙黽之雜聒蟲鳥之吟號金石鏗鏘忽鳴忽止自會心者視之莫非造物者透露底蘊况乎自鳴其胸臆者歟今義宣子詩試舉一篇必溲乎其不滓粹乎其若溫余將以論古人者責之義宣子哉憶同治甲戌余與義宣子聚京師泛潞河適歷下訪白雪樓遺址相與太息者久之已余赴中州君屢下南宮第遂試吏粵西丙子家居余亦旋里取舊著一再讀之十餘年情事歷歷在目然兩人者皆

序

二

文蔚堂

四十飛騰矣日月易邁鬢髮漸凋耿耿懷抱不知後之視今復又何如也吾聞粵西地土磽瘠邊鄙之與鄰獍獠之所雜處然瘠土之民實易感動于北溟嚴保伍治鄉兵士夫當有能述其實者若柳子以文字掩其政聲非所望已吾黨交勵之義固將有在也夫庚辰中秋同里錢衡撰

序

一

文蔚堂

同年顏子義宣將重栞其望眉草堂集詩文若干卷屢以書來屬爲校讐且索弁言義宣子旣出而仕歷宰劇邑政聲爛然爆在萬口其所以信今而傳後者宜無事藉鳴於詩與文而生乎一楮一緘顧不忍割棄若是且義宣官粵西粵號山水名邦扶輿之氣代鍾魁碩而中州人士之官於粵者亦必有英偉瓌達名藉當時使義宣丐其一言其足爲斯集之重勿疑也乃義宣皆不之顧獨走翰千里繼絕於閉廬窮居志意積落之一隻噫是何故哉儻所謂知之不深卽言之而不得其所以言耶蓋余於義宣爲通家累代自其大父卽與先子爲金石交余失怙早而其尊甫及世父皆弟畜余兩人者少同嬉長同學遊庠鄉舉復同歲公車之役又無次不偕計髫齡至強仕卅餘年中非疾病無三日不面者信乎締交之夙契分之密宜有以闢其深也義宣之爲人規內而矩外遇物無忤其於學搜討甚侈而能揭古人之所用心尤精易理六通四闢妙解入微儕輩莫敢抗席余質素魯少識涂徑相資切劘之力爲多其爲詩文不屑絺章續句意有所得操管風疾洸瀆恣縱不可迹搨而鍤會衰厠於法獨斷斷自嚴雖然義宣之志亦豈樂以文字自表見哉憶咸同間吾鄉歲躡於賊義宣

洞觀時勢條擬平黔機宜上之當事而是時粵匪已煽動雄州鉅郡相繼淪沒風鶴之聲日馳數千里義宣與余每慨論時勢以謂士生今日苟不甘自竄敗其於功名事業之會何如也余甚惜義宣春闈屢躋鬱負正多而幸猶獲一官少抒其中之所蘊至余則世與相遺踈伏而不出戶者幾二十年少壯幾何雖仕隱殊途而余兩人者亦冉冉老矣南明之濱扶風之麓酣嬉文酒追念曩遊義宣其亦有意歸來一續昔年未罄之歡乎茲又余因披覽斯集而不能不重有感也光緒癸巳臘月同年老友唐開虞序於貴陽城北舊廬之軒軒軒

序

二
文蔚堂

望眉草堂詩集目錄

第一卷

古今體詩六十九首

第二卷

古今體詩六十七首

第三卷

古今體詩七十六首

第四卷

古今體詩八十三首

第五卷

古今體詩九十一首

目錄

第六卷

古今體詩一百三十首

第七卷

古今體詩一百三十三首

第八卷

古今體詩一百五十五首

第九卷

古今體詩七十六首

第十卷

古今體詩一百五十六首

望眉草堂詩集卷一

丙辰起甲子止

貴筑顏嗣徽義宣

梁甫吟

東南岱宗碑兀蹲寰宇羅列盡兒孫下視齊魯宋
衛淮徐數百郡雄長恒霍嵩華潛廬獨稱尊梁甫
僅泰山之下別一阜胡爲與嶽名塞滄瀛頽頽竟
莫分昔日曾子耕山側當大雨雪思其親浩歌淵
淵發金石鬼神欲泣天霽溫後日武侯伏隆中許
身伊呂爲等倫撫耒時或一吟此胸將八九雲夢
吞一忠一孝卓犖並千古豈若七十二君金匱玉
簡徒與劫沙流水同崩奔齊梁代有人摹擬徒紛
紛蛙鳴蟬噪鳥足道何異江黃敵楚軍乃知輕重
之數山川文字皆不與亡以人亡存人存安能燁
燁煌煌如二子立言庶足有補於乾坤

奉和學使鮑華潭師留別原韻

散髻斜簪綽有餘春風在抱想平居先憂如見希
文志太息猶聞賈誼書黔省軍興先生上書言事
並勸諭紳民辦理堅壁清
野諫草數行歸篋重梅花一路遠懷撫南天遙夜
瞻星使朗朗珠光傍帝車

輓孝軍門

諱順官貴州提督黔省賊初起惟
公能禦之以糧絕死事黔人思之

牛皮箐前飛却灰遺孽今復作瘡痍陰傳木刻磔
赤雞揭竿蠢動西南淫盲風怪雨倏合離遊狐飛

望眉草堂詩集卷一

一

文蔚堂

蠱相追隨血人於牙嘯且嬉睽睽踴躍跟爲爾爲孝
侯假節來視師籌邊日上高樓危七郡輿圖指掌
窺安貴勻黎銅鎮思犀甲三千手親提橫埽直到
丹江湄勢如長風秋籜吹摧枯拉朽立芟夷老當
益壯志不墮矍鑠顧盼熊虎姿森然如戟張鬚眉
生鐵鉞鞍騎馬嘶白羽軍前笑一麾風雷號令萬
夫馳手擲鋼鏃血淋漓全力搏兔如搏獅八番九
股讐神威眠不帖席食失匙侯常在此勢面依男
丁女王安耕犁夜郎天未止殺機得失反復爭毫
釐賀蘭坐視睢陽圍米船不救溫嶠饑引弓射倒
無字碑拔劍斫斷惡木枝日落寒聲入鼓鞺椎床
扼腕空嗟咨帳前風雨泣神雕報恩自矢革裏屍
臣職伐叛當死綏茹荼如飴安足辭書生談笑弄
毛錐雌黃妄將輕重譏蠅蚊點點壁難瑕疵白日經
天赤膽披吁噫嘻千鈞僅恃一髮垂大厦獨賴一
木支長城傾圯柱石頽風塵湧洞雲慘悽忠魂毅
魄竟何歸

秋晚登黔靈山

岱宗七十二家封不道南天別有峯半壁烟蘿嵌
古碣一林霜葉鏤寒鐘山環玉鞵回奔馬瀑倒銀
河啟蟄龍試展胸懷發清嘯虛聲時度最高松
登貴山絕頂望南北諸峯

望眉草堂詩集卷一

二

文蔚堂

北登貴山頂雲表插碧峯千仞勢一落蜿蜒走長虹左湧棲霞嶺右拓相寶宮元氣接混茫煙靄春濛濛荷笠躡微徑披襟當太空眩晃迎曉日呼嘯激天風靈菌茁萌芽野花欹淺紅遠視不能辨一色蔚藍中超舉形神釋跋涉腰腳慵懷抱五嶽志追逐九老蹤手挈金鴉鋤采采菖蒲茸

群洞竹枝詞

密林深箬自爲羣白納烏蒙部落分二百餘年歸版籍至今猶說哈將軍女吹蘆笙舞婆娑即吹蘆笙舞且歌跳月嘸嘸渾不辨眼輪色授亦情多

望眉草堂詩集卷一

三

文蔚堂

四山逢逢搗銅鼓號召賓親礫生牯榴花開後迎新年不賽句芒專賽蠱

銀環垂耳髮垂肩蠟繪花帑繡織圓珠貝日中齊互市黔山春煖鷓鴣天

雲來瘴塞峯峯晦雲去瘴銷峯峯對南鄰酒熟暉新醅北舍缸成開醅菜

刺梨花過木薑花香稻連畦好歲華搏飯呼糟多樂事投戈歸去理桑麻

生苗負固猛如虎花苗畏怯怯於鼠良莠難諧盡歸來開邑慈君能哺汝

偏架良弓牛尾鎗黎峨九股最强梁感時望古思

謂戴商山刺史

明德鐵柱巍巍江水長

相寶山十八羅漢像

纖埃埽淨天宇清危峯湧出勢峻嶒芒鞋布襪試攀登迴巒複磴層復層石壇風靜露苔棱峭壁雨洗臚翠屏松柏偃蹇崖罅撐芭蕉葉大蔭蔭馨好花皆從優曇稱幽鳥亦作迦陵聽逕趨古刹絕深閭置身儼入化王城諸天幻相駢羅星相相奇詭多變更老者龍鍾少妙齡肥者如瓠瘠於藤魁肩垤腹貌猙獰脣綻丹砂面淀青修眉廣額美而姪芙蓉頰輔臙脂凝餘或趺坐或拊膺或袒或臥或曲肱袈裟毳衲五色呈七寶莊嚴綴珞璣牟尼垂

望眉草堂詩集卷一

四

文蔚堂

項粒粒瑩幢蓋護身曲曲承黃金之鉢白玉笙倚天之劍繫日繩瓶孟杖塵交縱橫一一束結態瓏玲浮屠荒誕本不經小儒斷斷分寸爭昌黎闢佛轟春霆大顛文暢與贈行胸有智珠辨淄澠慧眼別具放光明彼觀羅漢笑相迎辟支證果參上乘我觀羅漢寂不磨緘口如鑒金人銘彼觀我觀漫置評瑰奇壯麗山始靈譬之百怪蓄滄瀛蜃樓海市日崢嶸香龕佛火聲泠泠下視城郭浮烟青

夏日飲李鳳占刺史別墅五首

築室城北隅南山背負郭清渠繞板屋微徑通略約寂歷雜花開藤蔓紛交錯循花插紫竹參差護

籬落日晡炎暑收簷前喧鳥雀葵扇扇微風絺衣輕且薄科頭同露坐壺觴互斟酌但勿語時事中懷卽欣若

虛文從脫略行止率吾真有酒卽攜榼叩門訪友人忘形汎貴賤雜坐無王賓豈惟奴隸熟漸覺兒童親習知我復至索果牽裾惟時當夏五桑苧夔紛紜花枝折當籌細草藉作茵盡歡取一醉陶然日已曛

槐蔭垂覆屋柳絲濃如障眾綠生晚涼逼到衣襟上暑清花氣重風動茶烟颺新月罨林梢碎光相摩盪閑閑十畝間景物足疏曠奇石立當階古貌

望眉草堂詩集卷一

五

文蔚堂

癯難狀欲下米老拜謹壽一杯釀與爾忘形骸相期長無恙

急雨勢欲來風聲挾樹吼暮景碧沈沈歸鴉滿林藪須臾白點繁霽霽一犁厚移席就庭中促坐對僂偶助我清興豪開顏盡一斗晴明趣固佳風雨良不負軀體靜安舒煩懣銷何有開門看夜色虛白無氛垢惟聞階下泉涓涓赴溪口

素蘭生空谷馨香采盈把願言招我友共入詩酒社性情分猖狂意氣殊取捨會心不在多自得詎乃假座中有佳客胸懷獨攄寫浩歌彌激越焉知和者寡林深煙已昏竹暗露逾瀉我醉君亦酣脩

脩各去也

菊醬二十四韻

菊醬原微物名從漢志遭蜀都會見賦梁帝亦加褒芍藥傳佳製葫蘆飫老饕品應僂苜蓿味可匹葡萄鹽豉無煩配香餳枉用熬允堪供匕箸時或佐腥臊不羨雌龍醢休誇錦雉膏產從巴子國販到蜃人艚遙緬元光日興思命世豪授餐嘉客宴問道使臣勞五路連環進諸軍戰伐高星馳爭奏捷露布快揮毫竟繫名王組頻頒大帥旂於今途最梗望遠目爲蒿負固撐螳斧連兵等蝟毛山深多伏莽河廣不容舳幾輩銜恩至何人勝算操治師先嚮導得間漫游翱鑿破群江險騰翻瘴海濤職方徵荔子告廟薦櫻桃赤縣期無警彤弓盼載囊詩從譏覆瓿詞且比題饅食指誰占動中心自鬱陶當筵三太息惆悵首頻搔

西園

吾鄉某太史家古城傍河築西園甚宏麗庚申五月五日粵匪陷城太史遇害諸姬赴水殉焉家人某挈遺孤以逃而園亦尋廢矣生存華屋零落山邱是可歌也得七

百言

西風吹雨灑黃蘆見說燕城此更燕苑內殘花春

少燕門前殭柳晚藏烏往日花柳紛在目往年勝
事誰能續樽前強爲訴興亡欲語吞聲還輦感當
初此地擅豪華累葉承恩內翰家萬卷縹緗開甲
第兩朝蟬冕襲宮紗頭角嶄然君更好弱冠銅龍
通籍早拄笏貪看羅甸山挂冠不上承明草歸來
重理舊平泉冉冉臙脂一水鮮綈几羅幃華月下
飛甍繡柱錦江邊銀簫撥開金屈戌一重掩映一
重出鈿砌移紅種海棠雕欄碧垂盧橘蠟淚成
堆徹曉明當階燈火九微擎高處料應凌紫府游
來不敢唾青城尊君視離長淮岸金穴銅山蓄朽
貫和嶠日將錢籠拊王戎夜握牙籌算囊有豪貴

望眉草堂詩集卷一

七

文蔚堂

興更濃平居服食擬王公貂裘蔽煖呼衣監懶隨
求酥問宰饗名士合作名園王十斛明珠買歌舞
反腰貼地闌新妝擎掌迎風翻舊譜謝女工吟潘
女愁雪兒善律香兒諷翠袖淺斟玻璃瓊銀鬢低
按鈿筌篋結綰同心玉比美豆種相思木連理蛺
蝶雙雙拂珮環鴛鴦隊隊嬌羅綺隊隊雙雙結束
工呼伴嬉春圖繪同仙侶銖衣飄蕙帶美人畫漿
采芙蓉朝雲暮雨溫柔裏占斷春光招不起自矜
意氣本無窮自詡風流長如此佳景端陽綵鷁浮
解纜筵開樂未休忽驚鞀鼓動地至鳴鏑飛刀風
颼颼鐵騎奔騰殺氣逼一羣嬌鳥嘶荆棘可憐細

骨并輕軀拋向桃花浪中溺複壁窮搜何恣橫遺
孤三尺最伶仃漫許知交依文舉僅存傭保任王
成倉皇萬事皆瓦裂從此朱門弦管歇宇簷時窺
鼯鼯羣牆壁爭穿狐兔穴銀扉晝掩東西廂寂寂
鬱金教妓堂層樓疊閣參差列榜題傾圯誰能詳
闌干十二曲曲轉品字藏書弓字館皆園內亭文
臺舊式
窗無復護綠紗欹橋尙是垂紅板粉澤脂香踏作
泥無情流水知不知庭前野鴿閒調子簾外寒蟲
暗吐絲金谷園林總衰謝綠珠子弟都物化蒼蘚
埋埋蟋蟀盆碧桃壓倒鞦韆架破寺鐘聲出翠微
斷阡殘陌付斜暉傷感故家零落盡不堪城市景

望眉草堂詩集卷一

八

文蔚堂

全非往來冠蓋稀投足經年夜夜閉門屋芳魂應
化杜鵑啼明月常照髑髏哭興慶連昌亦廢荒京
華烽火更茫茫盈虛消長知何極搔首獻欬總斷
腸

趙軍門虎字行

提督趙公德昌所作公弟德
光繼爲提督有功黔省殉難

老樹陰交岩岫伏橫空峭壁壓山腹腥風獵獵撼
林木遠觀凜凜生氣逼近視淋漓墨光滴將軍磨
崖留名蹟將軍兄弟秉軍政五千甲士貌貅勁掃
清狐鼠江山淨戰罷歸來血滿羈白口退舍星離
垣蒼穹爲之迴霽顏篋肩一具酒一斗痛飲沈酣
起縛帚落筆煙雲奔赴肘書成擘窠字踰丈腕力

邁勁神骨旺生蛟巨鼉屹相向良工鑄鑣細摹刻
頭銜里居姓氏列猩紅鈴印紀年月字有光芒虎
有神字如虎兮虎如人將軍毋乃自寫真鐵騎親
提入虎穴彎弓射虎石應裂嗚呼石縱摧崩功不
滅

閻家譜敬題先太師魯公遺像

魯公大節照青史烈日秋霜相礪砥家乘秩秩四
十傳英姿颯爽誰寫此天寶末年抗祿山一十七
郡同盟起成功不必較李郭倡義首先伸國耻爾
後再三遭黜放建中政事尤謬妄藍面權奸坐平
章盲目監子作宰相倉猝一誤用元平那堪再誤

望眉草堂詩集卷一

九

文蔚堂

失人望三朝耆舊使淮西舉朝震駭泣相向我公
銜命赴程期怡然就道不少遲眼中希烈螻蟻耳
下視賁廣同醢雞挺立賊庭宣詔旨海水欲倒山
嶽低座上僞官被呵斥密啟賊帥相留羈掘坎積
薪頻誘脅紛紛伎倆空設施在天列宗與列祖百
折不回臣心苦胸存君父忘鼎鑊義重國家輕刀
組耿耿元精志難屈嶽嶽正色剛不吐展卷開圖
肅拜瞻忠靈灝氣溢眉宇當時一死今尚生逆藩
奸相歸何所惟有常山不朽舌雙忠嶙峋共千古
八月十日招同楊劍潭姻丈袁十錫臣錢二

辛民小集分韻

秋色模糊烟雨亭臺池沼碧玲瓏天邊斷雁三
五點砌下幽花一兩叢似覺無意仍有意始知化
工不言工舉杯相屬詩號令禁體仿效歐陽公
九日集陶徵君句
今生幾叢菊有酒斟酌之敝廬何必廣高風始在
茲談諸無俗調遺贈副虛期嘯傲東軒下情隨萬
化還

贈杜四子明

上書不報拂衣還落論交天地間捫蝨談兵懷
壯畧聽雞起舞破愁顏從來名士能揮陣早有蒼
生望出山故國干戈猶未息陰符熟讀掩柴關

望眉草堂詩集卷一

十

文蔚堂

子夜吳歌

儂似南山石四時終不改權如石上雲縹緲無常
在
一見相爾汝附耳低聲語感君意纏綿未敢輕身
許
儂似好花枝紅褪君情倦明年花再紅勞君重眷
戀
君居襄陽堤儂住清溪水亦欲託蹇修恨不同鄉
里

烏雲豹歌

塔忠武公馬也

烏雲豹天封詰收養內廐中日食太官料方臙厚

脊脊峭崿鐵腕銀鬚善騰越若非溼洼之水產龍
媒便是房駟之精鍾彩耀塔侯百戰楚江湄此馬
曾經塔侯騎一日戰北走荆棘追兵十萬躡蹤跡
入門大索持之急馬受重創草間匿是時塔侯微
服雜村氓封狼對面不能識無何援師集截賊奏
殊績塔侯存馬長奔塔侯死馬長跪伏地悲鳴嘶
不已元雲黠黠朔風起詔下馳驛見天子至今佳
名滿人耳嗚呼江左年來苦用兵武昌以下無堅
城紛紛駑駘伏櫪下帖耳垂頭何苟且問誰得似
塔侯者無其人並無馬

雜感

望眉草堂詩集卷一

十二

文蔚堂

磽确苦難耕况復經喪亂老農不憚勞耘耔每日
肝十僅收二三顆粒皆血汗長官檄吏來徵糧養
驍悍持符暮夜呼按籍錙銖算不恨征太苛只惜
賊未辦白晝把鋤犁昏黑守營柵鄉鄰分隘防長
幼更番換地濕深沒踝棚短不蔽飢瘟風利如刀
中體皮月爛荒戌隱悲筋淒淒助予歎君看高城
中歌舞夜方半

軍興費挽輸九府竭泉貨度支苦不足稅外復增
課分道置嚴關有翼不能過鞭笞弄威福負販恣
摧挫川壑潰益橫眾怒蓄尤大愚民逞洶洶倒戈
出無那長吏伸國法搜勦如斫莖一人生厲階千

村成燬破至今草不春荒原戰血涓鬼妾聚煩冤
鬼馬羣嘶餓風雨聲啾啾誰爲歌楚些

昔日從征人萬里赴迢迢今日從征人孑身恐寥
寥大吏欲自便陳請君恩邀詔爾攜家室俾爾續
宗祧骨肉長相親志氣從茲銷撫劍忽盤桓含嘶
鳥正嬌厚意託喬木鷦不煖君巢無爲急飛鳴姑
且樂逍遙健兒聞此言鵠立慘不驕出門領升斗
入室效漆膠營私癢已成從戎腹仍枵爾志固已
足王事得毋撓出遠思駿馬健足騰嶮嶠出獵思
猛鷹勁羽千雲霄哀哉西南天羣盜尙如毛
雀鼠爭端開飲食訟言構維良二千石明鏡秋毫

望眉草堂詩集卷一

十三

文蔚堂

究近時官箴隳此理竟悠謬里胥持符來捋髭逞
怒吼麾眾入其室解馬息其廐需索囊橐充赴轅
始投首踣跟入縣門何曾覩白晝五刑毒肌膚三
木械頸胆良民廣闢入纍纍分檻收羅張鳥豈逃
網密魚難漏稱貸賄不足鬻宅甫能殼雖免屍填
牢出脫形焦瘦涕泣戒兒孫興訟切勿又怨氣積
不伸陰陽宜多事何日排閭闔明明告我后

不見劉芑州草生囹圄空不見仇季智化鴟爲鸞
鳳而胡縱淫威名甘屠伯共羅鉗與吉網接跡稱
伯仲肢體非木石那堪刀鋸中鍛鍊備慘酷半死
猶號痛刑戮損天和有負生者眾冥漠巧報施顛

倒暗作弄火甕造非刑請公亦入甕

法律爲詩書申韓作周召致君知無術古人已深
誚回護工引援反駁善比較刀筆字字刀妙手空
空妙監司受其成畫諸但坐嘯賢哉雋京兆明經
觀大要適有詣關人口竊東宮號一引劄輒事暖
脉卽燭照決獄本春秋聖謨終可靠

翩翩侍中郎出入何瀟灑玉貌潔白哲兒童肯擲
瓦左握大食刀右掣大宛馬身軀千金裘腰束萬
釘鈐相逢少年場結客在枯學並轡挾彈九馳逐
五陵下興盡拂鞭歸紅樓喚嬌妬一曲爭纏頭明
珠贈盈把笙歌意氣豪傀儻而日假盡態而極歡

望眉草堂詩集卷一

十三

文蔚堂

酒闌燈更地那知道路間饑有茹茶者

團練固城防行列須暇整雖未能擊賊要期可保
境何容濫竽充無賴招市井無功冒勳爵僥倖至
亡等走卒貂蟬冠廝養碑礫頂通託馬欲東險畏
鹿走挺兒戲不成軍安能備寇警似當擇老成王
政挈裘領訓練鄉壯丁牢固基久永既免客兵譁
兼可餉糈省卓哉鄉先生吾爲鄉人請

流民行

謠語出出聲呻吟訛言四起驚行籌天狗如雷忽
墮地祝融一炬燔墟邱赤狐跳跟紅羊嘯流民奔
潰如水流爺呼兒夫挈婦老扶筇幼襁負髮鬢蕭

沙面目黝刀瘡臃腫癭蓋衣晚癭狼籍柳生肘跋
者眇者肩尻隨蹙蹙不前呻吟在口此時得食猶
苟延破釜無粒囊無錢鳩形鵠立暗飲泣齧蘊終
不療饑涎東人忽西來西人轉東去膏騰擾攘竄
荆榛中夜迷失無任處焉飛貼站毒淫深日炙露
宿膏盲侵側身高原試眺望但見積骸成莽畫蕭
森一座孤城空突兀荷戈相守菜色卒

戴商山廉訪輓詩四十韻

諱鹿芝守開州城破死之

正氣歸蒼昊長星墜紫霄羊碑號父母馬革愧臣
僚經術淵源遠山陰閭閻昭政聲龔渤海志節蓋
寬饒瘠土民皆敝乖西地久渴一錢虛餽贈五袴

望眉草堂詩集卷一

十四

文蔚堂

漫歌謠力課催農稼親乘問俗輶鞠躬勤撫字拙
宦罷科條大薙宜先拔苞菰務盡穰人方欣望歲
亂已動招搖險控雙江口兵連九股苗黃巾頻擾
攘青犢恣攻剽恩信數千櫓軍威布斗刁輒軻胸
落落勞頽羽譙譙若恐溪丁據酋將峒戶招單車
馳鐵勒免胄諭天驕叱咤風雲變開陳瘴霧消化
雖馴野雉音豈格飛鶚奔陷孤忠矢湖湘甲士超
受降求緩計歸知欲相要膜拜遮征旆攀躋望錦
鑣來時斟臘酒去日記花朝此舉完蘇節公親到賊營招撫爲賊所留楚軍入諸君珥漢貂閭中羣僂仰河
援賊始送公回城上誤逍遙甬道圍長築鉤梯戰屢挑鶴猿同幻化

射虎任騰驍蓮萼原多苦蘭香竟自燒流芳羅甸
國遺恨浙江潮劫重心難死忠精骨不銷炎岡焚
玉石盡室煨瓊瑤伉儷鸞隨鳳麟岫梓附喬桐棺
何處厝麥飯復誰澆簪黑藏魑魅城荒長艾蕭血
光新更碧燐火冷還飄澤惠留巖邑英靈壯本朝
上天真憤憤公輩遂寥寥思愛賢愚痛傳聞市井
器異同宣梗概評論采芻蕘執政章馳奏褒封吉
寵邀他年南董筆姓字定先標

感事四首

自春及首夏淫潦盛決濡脊焉有所懷顧緬空蹠
踏高樹忽摧折老鵲方嚇雛啾啾鳴聲哀入耳感

望眉草堂詩集卷一

五

文蔚堂

歛歛東西各飛去巢覆將安居吾欲竟此曲此曲
鬱以紆不如且杜口聊復傾一壺

農夫侵晨出荷鋤理荒蕨根芳雖暫除根株惜未
刈一經淫雨萌萋萋復夢葑爲恩豈云多賈禍焉
在大聚蚊卽成雷飛塵可蔽岱蘇公惕鬼蜮滅仲

懲逢蠱

衛鶴乘高軒危急孰與謀魯門饗爰居眩視乃悲
憂所奉非其物自古招愆尤請汰砂與礫拂拭琛
與球豈爲一人惜有用實難求勿使閭閻間空唱
白符鳩

白日欲西馳萬里結層陰灼灼依餘光願得一照

臨積羽能折軸眾口可鑠金伏波終致謗斛律卒
就擒亞夫實枉歿子胥竟冤沈四賢豈不偉街憤
直至今感激心內傷涕下沾衣襟

送張虛谷觀察被謫出塞

一嘯天霏五月霜舉朝無敢訟陳湯敝車羸馬風
蕭瑟西出輪臺古戰場

孝荀檀園最可風居喪負土子職終流沙萬里應
無憾幸免慈親繫保宮

臙脂塞上陣雲高意氣縱橫看寶刀皇甫遺風今
未歇西州應有黨人豪

酪漿湏酒飲初酣世味酸鹹已飽詰日暮彎弓隨

望眉草堂詩集卷一

六

文蔚堂

李廣夜深草檄件岑參

人日聯句

獻歲迫征期嗣徽靈辰訂佳會微暄開沍寒錢衡

小潤納輕塏屏翳收廉纖徽豐隆布雲霓薶萌地
融脈衡蠢動天迴籟繡旆隨處轟徽華勝及時戴

旭口桃符新衡硯雷爆竹大雀舌茶抽芽徽貓頭

筍脫介柳弄晴蕩衡梅圻香醅鵲花房鳳子育

微蜜脾蠶王嘒礪礪驕雪衡潑刺又霜鱸辛盤

荐已過徽餽簫市未賣呼盧厭喧囂衡藏鉤嗤狡

獐風俗變人遊徽兒童紫姑賽東折朋儕招衡詩

儻文字債蕭齋倚隱囊徽短榻蹲古敦僊蟬奇書

蝕衡寶鴨熏鑪睡七畧綜源流微四聲溯宗派枕

莊衡佩騷衡搜探崔暨蔡元音人微茫微別港誰

激汰務求寸心安衡罔顧俗眼怪留賓烹龍團微

供客具鮭菜屢饗遲阮孚衡荒破期劉蛻卽今回

憶昨微興動無窮嘅昨歲夜郎城衡三邊插武旆

獬豸競磨牙微螳螂爭鼓臂騎突賊猖獗衡野戰

民草芥擊柝夜登陴微列戎朝守隘人憂同杞傾

勢貼幾巢壞斬鯨既不能微戲雉毋乃泰防堵

奮張拳衡驅逐力爬疥渠魁遠颺遁微餘黨環攻

懈危城暫蘇息衡驚波懼沸潰勿懷安局中微勿

喜出意外恨無武陵源衡恨無嚴子瀨拔劍歌驪

望庸草堂詩集卷一

七

文蔚堂

歌微送君遠于邁策射蛟螭墀衡路入螭螭塞鶴

首巫峽飛微馬蹄燕山碎別腸炙輶轉衡鄉思懸

旌罽萬里山川遊微九重宮闕對前途有知音衡

莫逆鮮我輩我輩兩難忘微斯言長宜佩須記草

堂約衡和雁詩先帶微

讀邵亭詩次詩中宛字韻簡莘民

鄉媛福地深窈窕插架牙籤恣探討古錦標題邵

亭詩蔚然如拾三秀草祖述東野宗后山強顏自

謂粗了了筆陣雖慙花齊生心田且喜苗未稿去

年吾徒盛文酒平疇稻熟秋光早幫屐相從習池

飲童僕先期蔣徑埽分題授簡雕腎肝閉門外事

百不曉切劘日久各有得鶴翎變化堪羽葆倉猝

分手亂離中舉目落落晨星少賤子脂車走風塵

狼狽歸來忽春杪花朝上巳爛出遊林間空勸提

壺鳥不怪邇來乏清興世事燒肌甚熱惱井里暮

夜催租催譙堞什伍保甲保喧闐萬狀劇難堪睡

夢衣裳頻顛倒君亦息心捲喉舌處世若拙真大

巧青鞋布襪踏溪山爲卜窳甯甯尊考爾我閒情

一例刪眼前坐待鶯花老人手一卷冰雪文愛同

璠瑜良可寶舊癖急欲癢處爬短檠做簾修小葦

吟哦終不極饑渴談言微中聽亦好雨過黿磯添

漲痕微波細作鞞紋繞城郭人民幸無恙點綴螺

望庸草堂詩集卷一

七

文蔚堂

洲兼蠓島拍手相聯韓孟篇雲龍追逐頭重掉

獨坐

安心從此未爲疎揆藻摘華欲儼除甜到中邊如

食蜜妙觀大意且攤書池紋漱澣風行水花影婆

娑月滿廬時事關懷聊北望平安夕火報來初

端午後積雨初晴有客招飲賦此

連宵雨漲瓜蔓水傾餅倒盞鳴不已滑滑牆東屐

響繁榴花莖葉齊入市衝泥徑欲欲西山去帽影鞭

絲翠微裏危城戒嚴晝閉關嚶嚶聽鶯頻倚徙遊

興雖阻那足病甘膏應時良可喜城北蹂躪無耕

桑祇望城南新禾起人心自剝天心慈幸免饑來

書乞米碧空霽色照園林山水清暉伐毛髓洗厄
一酌償遊債配顏倦隱烏皮几

悼亡六首

曇花一見杳然空鼠跡蛛絲暗繡櫳從此題餘長
飲恨年年秋雨又秋風

蟲語通宵葉滿階淒涼無事不堪懷貼危絮絮論
家計祇恐黔婁處世乖

銘旌題就字痕新庭宇蕭蕭總帳陳怕見慈親時
灑淚燈前忽少乳孫人

荒簾匡床視綺褥香囊四角飾明珠石麟玉燕參
差立腸斷依依失母雛

望眉草堂詩集卷一

五

文蔚堂

女貞花下一孤墳宿草離離自夕暉憔悴潘安雙
鬢影愁絲都讓我平分

前年七夕悼朝雲今歲重陽哭細君六角五張多
錯舛不如意事太紛紛

黔靈四勝

海螺亭

不到選佛場那知佛力大邱壑點化成頓闢一境
界隨形各效靈精神弗敢愛列嶽蹲瓶孟瓢峯聳
幢旆茲亭名海螺石竇纍纍在絡繹貫似珠縱橫
布如卦偃凸懸鐘乳虛空牝地肺緣壁偶吹吸訇
然聲碩礪一窟自鏗鏘羣谷相答對煩襟藉以滌

淨理了可會樹杪長風入嘈嘈雜松檜恍若魚山
遊空中聞梵唄

洗鉢池

入山忽遇泉占艮轉獲坎何時釋迦葉到此留遺
範趺坐赤雙足髮髻雪盈髻香鉢盛伊蒲施給眾
生噉施罷頻洗濯了無塵一點高躅雖云遙佳名
今未減我來訪靈山憇此頻流覽池底松山麓池
面倚亭檻池波泛漪漪池水沉湛湛杖履寒欲侵
衿衫碧於染不見優曇華緬懷空有感

天生橋

探奇不厭深深入敞靈閣一溪跨石梁天生名特

望眉草堂詩集卷一

五

文蔚堂

異不必定是橋橋形宛然備不必定非橋橋工莫
能製本色最可珍後起滋爲累世人好矯揉聰明
枉破費一經斧鑿痕雕鏤反無味不如此一橋猶
存太古意慈烏無凡音修篁引佳致穿來煙已深
過去雲猶曳迷津慈航渡彼岸寶筏濟化工不言
工方爲大智慧懷鉛休題詩爲轉無上偈

盤陀石

金山中冷畔曾有盤陀石髯蘇題句後岩谷頗生
色黔山望金山烟濤萬里隔逶迤杖策來漸登徑
漸窄初始經磽确繼纔升巔劣仰可攀星斗俯不
辨阡陌巨石巋然存空處勞補塞我聞靈鷲峯飛

來自西域茲石得毋同移供吾賞識又聞青蓮身
能化千萬億石豈感佛性變化總莫測是一還是
二此理須剖析叩石石已頑無言但默默隨月到
上方參問彌天釋

弔黔南殉節諸公詩

羅蘇溪制軍

倍道抵黔陽皤然兩髯蒼老成臨節鉞慎重視封
疆未奏青螺捷空嗟新息亡閉關扃屐輩應愧此
堂堂

福方伯印璉

聞說且蘭警明公正剖符病因憂國劇心爲用兵

望庸草堂詩集卷一

主

文蔚堂

枯雪夜纔平播炎天又渡瀘豐碑看墮淚灑向九
泉無

石寅谷刺史

高騫羨威鳳年少冠文場紆綬廉而惠登車慨以
懷棉花渡資鎖鑰古筑鞏金湯一自騎鯨去江河
日潰防

陳鸞生杜寶田兩刺史

巖疆同殉難愁絕聽啼鵑勁草當風日黃楊厄閭
年陳安悲死去杜母溯生前太息雙忠事銘旌何
處邊

江玠侯刺史

獨立森圭角家聲名孝廉青衫嫺馬稍絳帳握韜
鈴入穴心何壯埋輪法自嚴播州祠宇在終古肅
觀瞻

李西橋刺史

回紇動邊關師興久未班微臣思効命獨力捍諸
艱碧草青燐徧紅崖白水間忠魂招不得日暮鳥
飛還

杜杏園廣文

地險叢戈馬天空動鼓鞞官真同水淡名已比山
齊斷堞蠻烟暗書屋落照低馨香從此遠芹藻泛
青谿

望庸草堂詩集卷一

主

文蔚堂